

Non minori assiduitate & diligentia uti debent illi, qui patriam Re-
bis ex se se quærunt, ratione & librorum indicio edocti: Verùm li-
bris et si aliquando claritas inesse videatur, tamen eam magna ob-
scuritas undique cingit & obvelat, ut illa præ hac vix agnosci aut
discerni queat: Quocirca cautè in his procedendum, ne qui pro re-
medio concinnati, proveneno usurpentur: Certè oceanus sunt im-
mensus, in quo errantes latitudinem seu æquatoris supra horizon-
tem elevationem instrumentis astronomicis experti nauæ scire
possunt, magnete polum septentrionalem ostendente, at longitudinem, seu quanto graduum intervalllo à primo meridiano, insulis
Fortunatis proximo, absint, nequaquam; Unde incertisunt, quo lo-
co inter occasum & ortum versentur: Quid ergo hic faciendum?
Quod iidem nautæ solent, Experientiam consulere ratione, & ab ea
discere iter longinquum determinare per signa particularia, pro-
montoria, insulas & alia, ne in syrtes & cautes incauti incident: At
hic minus est periculum, si res non procedat, si verò sic, majus lucrū,
quām ibi, ubi bona & vita perduntur in una hora: Est autem Mercu-
rii Philosophicimons non Nonacris, nec Atlas, ubi alias natus cre-
ditur, sed bisido vertice Parnassus, in quorum uno Hermes, in altero
Venus moratur: Hic quoque Apollo cum Musis est, & fons Pega-
seus, Hippocrate; cum lauru semper viridi: Unus est mons nomine
at re geminus, ut Hermaphroditus in uno corpore biceps & bi-
membris visitur: At quis ex mille ad hujus montis cacumen con-
tendere perseverat? Quis non in radicibus hærescit præpeditus re-
moris nescio quibus? Quotusquisque umbilicum ejus medium at-
tingit?

*Nam, non levis ascensus, si quis petat ardua, sudor
Plurimus hunc tollit, nocturna in somnis olivæ
Immortitur, delet quod mox laudaverat in se,
Qui cupit æternæ donari frondis honore.*

Unde non mirum, si saltem unus ex Myriade Herculeos hosce ex-
antlet labores, ut pedem in vertice Montis figat, laureæque brabe-
jo fruatur immortali, quo ut dociles, virtuti & literis dediti, bonæ
mentis quicunque gaudent, Grilli verò & vertagi frustrentur, uni-
cè optandum est.

X 2 Oedymus